

REFERAT IN - Innarluutillit pillugit Siunnersuisooqatigiit d. 26-02-2020

Mødedato Onsdag d. 26. februar 2020 kl. 10:00

Mødested Imaneq 34, 2. sal – Atorfilittat ataatsimiittarfianni

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisooqatigiinni ataatsimiinneranni imaqarniliaq

ulloq: pingasunngorneq ulloq 26. februar 2020 nal. 10.00 - 12.00
Sumi: Imaneq 34, 2. sal – Atorfilittat ataatsimiittarfianni

Peqataasut:

Laannguaq Lyngø, siulittaasoq (LL)
Søren Joelsen, siulittaasup tullia (SJ)
Loritha Henriksen, ilaasortaq (LH)
Bodil Karlshøj Poulsen, ilaasortaq(BKP) -
Arnanguaq H. Christensen, Utoqqarnut susassaqarfimmi fagcheffi (AHC)
Lars Jørgen Kleist, Utoqqaat pillugit Siunnersuisooqatigiinni allatsi, imaqarniliortoq (LJK)

Peqataasinnaangitsut:

- Jonas Napaattooq, Ittoqqortoormiuniit napparsimanini pissutigalugu peqataangilaq.
- Bodil Karlshøj Poulsen, aqqarnup kinguinngua takkuppoq.

Oqaaluuserisassat:

- 1. Siulittaasoq Laannguaq Lyngø-mit tikilluaqqusineq oqaaluuserisassanillu akuersineq**
- LL - tikilluaqqusivoq, ilaatigut oqaatigaa Sumiiffinni ataatsimiitsitaliamiit
Qeqertarsuiatsiaanut innuttaasunik ataatsimiitsinissamut tunngatillugu aningaasanik
qinnuteqarneq itigartitsissutigineqarsimasooq. Itigartitsinermut pequtaatinneqarsimavoq
Nuup avataanut angalanertut nalilerneqarsimammat.
Itigartitsinermut tunngatillugu – Kommuneqarfik Sermersuumi Sumiiffinni ataatsimiitsitaliap
allattaaniit nalunarutigineqarpoq itigartitsineq pillugu Sumiiffinni ataatsimiitsitaliap
siulittaasua Utoqqaat pillugit Siunnersuisooqatigiiviniit naapinneqarsinnaasoq.
Itigartitsineq pillugu Isumaginninnermut Suliffisaqartitsinermullu ataatsimiitsitami
siulittaasoq Inge Olsvig Brandt neriorsuteqarpoq paasiniaassalluni.
- 2. Kingullermik ataatsimiinnermit imaqarniliamik akuersissuteqarneq – ulloq 27.
novembar 2019**

Aalajangerneq:

- 27. novemberimi ataatsimiissimaneq pillugu imaqarniliaq 26. februarimi
ataatsimiissimanagerup imaqarniliorneranut ilanngullugu akuerissutigineqassaaq.

3. Ilisimatitseqatigiinneq

Utoqqarnut susassaqarfimmi fagcheffi – Arnannguaq H. Christensen

Killiffik:

- Pilutamut pulaartoqassaaq ulloq marlungorneq marsip qulingani nalunaaqutaq ataatsimiit – marlunut. Pilutamut pulaarnerup malitsigissavaa kingullermik pulaarnermi Pilutami killiffissiuneq, aammalu pulaarnermi atuisut tikillugit oqaloqatigalugit, tusarnaarlugit ingerlanneqassaaq.

Nunatsinni utoqqangortut puiguttormik nappaateqartut ilaquaat qanigisaasullu atugaat pillugit missisuisimaneq ingerlanneqarsimavoq, taannalu aamma allakkiangorlugu pisimalerparput. Taanna kalaallisunngortilaariarlugu Utoqqaat Pillugit Siunnersuisooqatigiinnut agguanneqassaaq.

- Puigortunngorneq pillugu quppersagaq – Ingerlatsivimmi atorfilittaniit ALZHEIMERS-peqatigiiffik suleqatigalugu suliarineqarsimavoq.(Utoqqaat Pillugit Siunnersuisooqatigiinnut kalaallisuaa allaqqasoq tunniunneqarpoq.)

- Utoqqaat Pillugit Siunnersuisooqatigiit apriliip 22-iani ataatsimiinnissaanni Puiortunngornermi ataqatigiissaarisut ataatsimiinnermi peqataassapput immikkoortumi oqaluuserisassami Puiguttortunut iliuusissaq pillugu ilaatigut saqqummiillutik.

- Ingerlatsivimmiit utoqqarnut suliniutit angusat ilagaat, Utoqqaat Illuini aammalu angerlarsimaffinni sulisut sulinngitsoortarneri appararujussuarsimamanerat suliniutini siunnerfik ersarissarneqarsimammat – ilaatigut pikkorissaanerit isumasioqatigiinnerillu ingerlanneqarsimallutik.

Utoqqaat Pillugit Siunnersuisooqatigiinnit siulittaasoq – Laannguaq Lyngø

LL – ilisimatitsissutigaa tusarniaassut:

“Kommuneqarfik Sermersuumit Utoqqarnut Pillugit Siunnersuisooqatigiinnit : Pisortani Digitalimik Allakkerinermut ilanngunnermit inunnik pisussaaajunnaarsitsineq pillugu Namminersorlutik Oqartussat nalunaarutaat nr. xx, xx. xxx 2019-imeersoq tusarniaassummut akissut “
(Ilanngussaq ilaavoq)

Uani ataatsimiinnermi saqqummiunneqartoq. Tusarniaassut mail-ikkut ilaasortanut nassiunneqarpoq, tusarniaaneri sivikimmat Utoqqaat Pillugit Siunnersuisooqatigiivini siulittaasoq atsiorluni akissuteqarpoq. Akissuteqarnermi Utoqqaat Pillugit Siunnersuisooqatigiinni ilaasortaq Loritha Henriksen nalunaaruteqarsimavoq Siulittaasup akissutissaanut isumaqataallumi.

LL - Tusarsimallugu oqaatigaa Namminersorlutik Oqartussat nalunaarut apriliip aallaqqaataani atuutilissasoq.

Qeqertarsuatsiaanut angalanissamut Sumiiffinni ataatsimittitaliamiit itigartitsineq
LL – oqaatigaa Sumiiffinni ataatsimittitaliamiit Qeqertarsuatsiaanut angalanissamut qinnuteqarnermi itigartitsineq pillugu Ataatsimiitsitaliap siulittaasuata Inge O. Brandt mississorniarlugu neriorsuutigaa.

- Qeqertarsuatsuaanut angalasimaneq iluatsippoq. Innuttaasunut ataatsimiinnermi peqataasut amerlavallaannginneri pakatsinalaarualarpoq taamaattoq oqaloqatigiinnerit ilisimatitsissutillu saqqummiinnerillu ingerlanneqarput iluarisimaarneqarlutillu.

4. Ataatsimiinnermit kingullermit malitseqartitsineq:

A) Utoqqaat pillugit Siunnersuisooqatigiit Nuummi Utoqqaat Peqatigiiffianik ulloq 11. septembari 2019-imi ataatsimeeqateqarnerat

Qupperneq 2 quppernermiit 7



Utoqqaat pillugit Siunnersuisooqatigiit Nuummi Utoqqaat Peqatigiiffiat peqatigalugit ulloq 11. septembari 2019-imi ilisimatitsissutitalimmik ataatsimeeqatigiipput. (Ataatsimiinnerup imaqarniliorneqarnera ilanngunneqarpoq).

- Maluginiarneqarpoq kingullermik utoqqaat peqatigiit ataatsimeeqatiginerani periarfissaqarsimangitsaq siulersuinnaat ataatsimeeqateqarnissaq, taamaattumik kissaatigineqarpoq Utoqqaat peqatigiit siulersuisui piffissami aggersumi ataatsimeeqatigineqarnissaat.

Utoqqaat Pillugit Siunnersuisooqatigiit aammalu Nuummi Utoqqaat peqatigiiffianit 25. februar 2020 ataatsimeeqatigiinneq

- Utoqqaat Pillugit Siunnersuisooqatigiit Utoqqaat peqatigiiffianit qaaqqusaapput ataatsimeeqatigiinnissamut. Maannakkut pilersaarut malillugu marlunngorneq 25. Februar 2020 nal.: 13.00 Blok 10-ip naqqani ornittakkami ataatsimeeqatigiittoqassaaq.

Killiffik:

Ulloq februarip 25-iani Utoqqaat Pillugit Siunnersuisooqatigiit Utoqqaat Peqatigiiffiat ilaasortaallu ataatsimeeqatigaat. Oqaluuserisassat Utoqqaat Peqatigiit kissaatigisaat oqaluuserineqarput tassaasut:

- 1. Ornittagaq qaqugu ?
- 2. Utoqqaat aliikkutassaannik. Soorlu assassugassat.
- 3. Utoqqarnut politikki Kommuuneqarfik Sermersuumi ersarissoq tusarusupparput.

Ataatsimiinnermi LL imaqarniliorpoq – tullianilu Utoqqaat Pillugit Siunnersuisooqatigiit ataatsimiinnissaanni ilisimatitsissutitut saqqummiunneqassaaq.

B) Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamik ulloq 17. septembari 2019-imi ataatsimeeqateqarnerat

Blok 10 Ornittagaq:

Blok 10-mi Ornittagaq matoqqavoq taamaattumik Nuummi Utoqqaat Peqatigiinni ilaasortaasut PILUTAMIK atuisarnissaat pillugu isumaqatigiissuteqarfigineqarusuppoq.

Nuummi Utoqqaat Peqatigiit aamma Utoqqaat pillugit Siunnersuisooqatigiit ataatsimoorussillutik Meeqqanut Atuarfeqarnermullu Ataatsimiititami siulittaasumut Michael Rosingimut aamma Suliffeqarnermut Isumaginninnermullu Ataatsimiititami siulittaasumut Inge Olsvig Brandtimut Borgmesteri Charlotte Ludvigsen kopiilerlugu allakkamik nassiussaqarput.

2019-imi oktobarip ulluisa 28-anni Suliffeqarnermut Isumaginninnermullu Ingerlatsiviup akissutaa ilanngussatut ilanngunneqarpoq.

Killiffik:

- Kommuneqarfik Sermersuumi Qullersaqaqatigiit Blok 10-mi ornittagaqarneq oqaluuserissallugu kinguartikkallarnikuuaat. Kissaatigineqarpoq blok 10 qimanneqarnissaa inigisap pitsaannginnera pillugu. Tamanna Qullersaqaqatigiit 2020-mi januaarimi oqaluuserivaat.

- Isumaginninnermut Suliffeqarnermullu Ingerlatsivimmi pisortaq nalunaaruteqarpoq Kommuneqarfik Sermersuumi illuutit pigineqartut b-normui tamarnik misissoqqissaarneqassasut. Tamannalu misissuineq naammassippat nalunaaruteqartoqassasoq. Ukiup tullianut missingersuutit suliarineqalerpata Utoqqaat



Pillugit Siunnersuisooqatigiit nutaamik ornittagaqalernissumut kissaataat politikikkut isumaqatiginninniarnernut ilannguneqassaaq.

Utoqqaat Pillugit Siunnersuisooqatigiit oqaaseqaataat:

- Utoqqaat ornittagassaanik sanaartornissaq pillugu Utoqqaat Pillugit Siunnersuisooqatigiit Isumaginninnermut Suliffissaqartitsinermullu ingerlatsivimmumut kissaatigaat paaserusullugu suut sanaartornissamut pilersaarutaanersut, aammalu utoqqaat ornittagassaat qaqagu sananeqassanersoq?

Aaliangerneq

- Ulloq februarip 25-iani Utoqqaat Pillugit Siunnersuisooqatigiit Utoqqaat Peqatigiit ataatsimeeqatigiinninneranni Utoqqaat Peqatigiinnit Nuummi nutaamik Ornittagaqalernissaq pillugu tapersiut allakkiaq tunniunneqarpoq Utoqqaat Pillugit Siunnersuisooqatigiinnut.

- Utoqqaat Pillugit Siunnersuisooqatigiit maannakkut kissaatigaat pimoorullugu utoqqaat ornittagassaaata pilersinneqarnissaa aammalu suliap sumut killinnera paaserusunneqarpoq.

Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq Isumaginninnermut Suliffissaqartitsimullu ingerlatsivimmumut ingerlanneqartussaq suliarineqassaaq.

C) Utoqqaat/peqatigiiffiit nunanut allanut angalanissaminnut tapiiffiqineqarsinnaanersut Utoqqaat pillugit Siunnersuisooqatigiinnit misissueqqusinera.

Utoqqaat/peqatigiiffiit nunanut allanut angalanissaannut tapiiffiqineqarsinnaanersut misissuiffiqineqassasoq Utoqqaat pillugit Siunnersuisooqatigiinnit kissaatigineqarpoq. Sulianut/angalanernut tamakkununga kommunip tapersiinnaaneranut periarfissat Suliffeqarnermut Isumaginninnermullu Ingerlatsivimmit misissorneqassapput.

Killiffik:

Kommunemut angalanissanut qinnuteqartoqarsinnaavoq. Ataasiakkaat aammalu ataatsimoorluni angalanissamut qinnuteqartoqarsinnaavoq.

Ilanngunneqarput: Kommuneqarfik Sermersuumi sunngiffimmi sammisaqartitsinernut, timigissarnermut, timersornermut peqatigiiffinnullu Tapiissutit pillugit malittarisassat.

Aalajangerneq:

Tusaatissatut tiguneqarpoq.

Utoqqaat Pillugit Siunnersuisooqatigiit kissaatigaat Kommuneqarfik Sermersuumi sunngiffimmi sammisaqartitsinernut, timigissarnermut, timersornermut peqatigiiffinnullu Tapiissutit pillugit malittarisassat iluanni sumut saaffiginnittoqarsinnaanersoq – ersarissarneqassasoq.

Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq Isumaginninnermut Suliffissaqartitsimullu ingerlatsivimmumut ingerlanneqartussaq suliarineqassaaq.

D) Utoqqaat pillugit Siunnersuisooqatigiit Kommuneqarfik Sermersooq tamaat siunnersuisooqatigiupput. Taamaattumik 2017-imiit 2021-mut qinigaaffiup sinneranut Utoqqaat pillugit Siunnersuisooqatigiit illoqarfinni tamani utoqqaat



ataatsimeeqatiginissaat anguneqassasoq pillugu periarfissat Suliffeqarnermut Isumaginninnermullu Ataatsimiititap eqqartussagai innersuussutigineqarpoq.

Aaliangerneq:

- Utoqqaat Pillugit Siunnersuisooqatigiit Paamiunut aammalu Tasiilami innuttaasunik ataatsimiisitsiniartornissaannut Paamiuni aammalu Tasiilami Utoqqaat Peqatigiiffiat – tikeraartoqarusunnermik kissaateqarnermut allakkatigut tusarniassavaat.

Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq suliarineqassaaq nassiunneqarlunilu Paamiuni aammalu Tasiilami utoqqaat peqatigiiffiit.

5. Utoqqarnut tunngasunik kisitsisinngorlugu takussutissaq (Oqaluuserisassanut ilaajuannartoq):

Puigortunngortut amerlassusaat januar 2020

Ilanngussaq:

Demens_overblik_januar 2020_KAL(ataatsimiinnermi tunniuneqassaaq)

Demenstal januar 2020_KAL

Aaliangerneq:

Utoqqaat Pillugit Siunnersuisooqatigiit kissaatigaat apeqquteqaatigalugulu Utoqqarnut facchefimut Utoqqarnut tunngasunik kisitsisinngorlugu takussutissiap Puigortunngortut amerlassusaat januar 2020-imut tunngasup oqaaseqaatigisaasa paatsuungassutigineqartut ukuusut pillugit:

- Puigortunngorsimagunartut angerlarsimaffimmi najugallit
- Angerlarsimaffimmini najugallit

Utoqqarnut Sullissinnermi Pisortaq Arnannguaq H. Christensen nassuiaavoq:

- "Puigortunngorsimagunartut angerlarsimaffimmi najugallit" tassaasut suli nappaataat suussusersineqarsimanngitsut.

- "Angerlarsimaffimmini najugallit" tassaasut nappaataat suussusersineqarsimasut.

Puigortunngortut amerliartornerat ilutigalugu Utoqqaat Pillugit Siunnersuisooqatigiit paaseruppaat kisitsisillu kissaatigivaat, januar 2020 takussutissiami puigortunngortut amerliartornerannik ersersitsisut aallaavigalugit, siunissamut ungasinnerusumullu isigaluni, puigortunngortunut angerlarsimaffinnik nutaanik Kommunemi pingaarnersiunermi ukkanneqassasoq.

Utoqqaat Pillugit Siunnersuisooqatigiit kissaatigaattaq Kommune-mut allakkiortoqassasoq. Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq suliarineqassaaq nassiunneqarlunilu.

6. Utoqqaat Danmarkimut nussornerat

Ilanngussaq:

Naatsorsueqqissaartarfimmit kisitsisit – kalaallisut/qallunaatullu(Ataatsimiinnerup aallartinnerani tunniuneqassaaq)

Tusaatissatut tiguneqarpoq.



7. Nunatsinni utoqqaat inuunerat peqqissusaallu Issittumi Utoqqalineq qulequtsiullugu ilisimatusarnermi inerisaanermilu suliniummit nalunaarusiaq pillugu Siunnersuisooqatigiinni oqaluuserineqarnera.

Utoqqaat pillugit Siunnersuisooqatigiit siulittaasuata ilisamatuussutsikkut mississuisimanerit annertunerusumik itisiliilluni ingerlaqqinnissaat kissaatigaa

Uani pineqarput:

- Qanoq ililluta allaatigineqarsimasut annertunerusumik ingerlateqqissavagut?
- Utoqqaat pillugit Siunnersuisooqatigiit kikkut saaffigissavaat?"

Utoqqaat Pillugit Siunnersuisooqatigiit kissaatigaa Isumaginninnermi Suliffissaqartitsinermilu ataatsimiitsitaliamiit Innuttaasunik ataatsimiisitsisoarnissaa, Nunatsinni utoqqaat inuunerat peqqissusaallu Issittumi Utoqqalineq qulequtsiullugu ilisimatusarnermi inerisaanermilu suliniummit nalunaarusiaq pillugu aammalu qanoq innuttaasunut ingerlateqqinneqarsinnaannersoq.

Utoqqaat Pillugu Siunnersuisooqatigiit kissaatigaa imatut ataatsimiisitalianut allakkanik nassitsisoqassasoq:

Uunga

Kommuneqarfik Sermersooq

Suliffeqarnermut Isumaginninnermullu Ataatsimiititaq

Arktisk Aldringip ilisimatusaatitut ineriartortitassatullu suliniutaannit nalunaarusiaat Kalaallit Nunaanni utoqqaat inuunerat peqqissusaallu Utoqqaat Pillugit Siunnersuisooqatigiivisa soqutiginnillutik atuarpaat.

Nalunaarusiaq una nutaajuvoq, Utoqqaallu Pillugit Siunnersuisooqatigiivisa imarisaa minnerunngitsumillu eqqumaffigisassat siammasissumik oqallisigineqarnissaat pingaartippaat. Taamaattumik Innuttaasunik ataatsimiititsinissaq paasissutissiinertalik oqallinnertalillu Utoqqaat Pillugit Siunnersuisooqatigiivisa inassuteqaatigaa.

Innuttaasunik ataatsimiititsinermi takussutissiaq:

- atuakkiortut (arlaata) nalunaarusiami paasisat nassuiaateqarfigissavai
- nalunaarusiaq aallaavigalugu Utoqqarnut Pillugit Siunnersuisooqatigiit innersuussutitik oqaluttuarissavaat.
- Piffissaq ungasinnerusoq qaninnerusorlu eqqarsaatigalugit suliassaqarfimmi pilersaarusiat ataatsimiititaliamit oqaatigineqassaaq.
- Oqallinneq
Utoqqarnut Pillugit Siunnersuisooqatigiit piareersarnermi suleqataaniarlutik nalunaarput.

Inussiarnersumik inuulluaqqusillunga

Laannguaq Lyngø,

Siulittasoq

Utoqqaat Pillugit Siunnersuisooqatigiit

Aalajangerneq:



Allakkiaq Utoqqaat Pillugit Siunnersuisooqatigiit sinnerlugit siulittaasumit atsiorneqartussaag Isumagininnermut Suliffissaqartitsinermullu ingerlatsivimmut ingerlanneqartussaag suliarineqassaaq.

8. Taasariaqartut allat

- Kissaatigineqarpoq ukioq 2020-imut ataatsimiittarnissamut pilersaarutip malinneqarnissaa. Maannamut kinguartisereeratta ukiup sinneranut ataatsimiittarnerit sapinngisamik malinneqarnissaat kissaatigineqarpoq

